

3 02 貪心的人類

江秀鳳

盤古(Phuân-kóo)開天的時陣，上帝佇地球頒布一項法令，所有的生物一律予個三十年的歲壽。這欸規定不止仔公道，逐(ták)家嘛攏有贊成。

毋過，牛考慮規半晡，猶是感覺無妥當。俗語講：「做牛做馬無了時。」做牛遮(tsiah)爾辛苦，愛拖犁、犁田，無論是日頭赤焱焱(iānn-iānn)，抑(iah)是透風落雨，若準拄著農耕期，根本連禮拜都無通歇暍，逐工攏愛作穡(tsoh-sit)，閣(koh)無薪水通領。想來想去欲(beh)活到三十歲，實在真辛苦--呢！這個時陣，牛就擰(giáh)手講：「報告上帝，阮牛的生活實在太辛苦--咧，愛活到三十歲遮爾久，對阮來講，實在是真大的拖磨，敢會使減二十年，阮干焦欲活十年就好，會使--袂(bē)？」

上帝感覺真為難，就共講：「地球頂頭所有的生物一律攏予個三十年的歲壽，若準你想欲減活二十年，按呢加--出來的二十年欲予[啥人](siáng)？」

這個時陣，貪心的人類就趕緊擰手講：「予--我！予--我！」

上帝想想--咧，若有人欲捏(tih)，按呢就較好解決。自按呢決定加--出來的二十年批准予人類，按呢人類的歲

壽就粒積到五十歲--矣！

猴聽著牛的提議，想著家己一出世，面皮就皺皺，遐(hiah)爾歹看，若準活到三十歲，敢毋是閣較老、較稔(bái)--呢？而且猴生性好巧，面相變化多端，「老謀深算(nóo-bôotshim-suàn)」，無好鬥陣，這欸的天性，如果活了傷(siunn)久，社會撇步學傷濟，敢毋是親像『吉普賽』人全欸，行到佗位就予人呷喙瀾(tshuè-nuā)--咧？若欲按呢，不如減活--幾年仔較贏，活咧有尊嚴較有影。

猴想到遮(tsia)，就擰手說明家己的意思，伊講干焦欲活十年就好。這個時陣上帝就真頭痛--囉，加--出來的二十年欲按怎處理才好？想袂到貪心的人類，袂輸驚人搶--去全欸，大聲喝講：「予--我！予--我！我猶閣欲捏。」

猴既然無愛，上帝嘛無欲共(kā)伊勉強，只好共加--出來的二十年，閣撥予人類。

按呢，人類的歲壽就到七十高齡--囉！

毋過，貪心的人類萬萬想袂到，佇所有的生物內底，每一欸動物各司其職、各養天年(kok íóng thian-lián)，每一欸動物的命運攏無相全。

19 阮兜這隻可愛的戇狗

黃惠玉

人講「貓來富(pù), 狗來起大厝」, 但是阮毋捌想過欲飼狗、飼貓, 飼這隻狗是機緣。彼時陣弟弟予一个查某因仔因為開車傷緊, 去拚--著, 需要蹠院開刀。本來有倩看護(khàn-hōo)共伊顧, 阮家己家婆想講: 隔轉工是拜六俗禮拜有歇暈, 就共看護講彼兩暝阮來顧。真挂好, 可能賊仔早就咧觀察阮兜--矣! 所以彼一暝阮厝就予賊仔篋(pìn)--去--囉(looh)。拜五暝轉去阿媽兜蹠的後生, 透早轉--來看著厝拏^{tsi}戇^{tsi}戇, 驚一趟(tiô), 較緊敲(khà)電話予--阮。就按呢, 舞規半工, 才處理好。包括報警、做筆錄、算損失、整理拏戇戇的內面。

就佇賊仔走入來厝的代誌發生了無佬久, 阮翁電廠的同事講欲送伊一隻『哈士奇』的狗。若佇較早, 阮是絕對反對飼狗--的, 這隻狗好親像來了真著時陣, 厝--裡的人攏想講: 飼狗防賊仔。所以就共伊答應--矣!

人是真奇怪的動物, 佇阮細漢的時, 阮嘛會記得講真愛飼狗, 不時就要求阿母予阮飼, 毋過阿母攏毋答應, 吵幾擺了後, 阮只好死心。當阮做人的阿母, 阮囡也捌共阮吵講欲飼狗, 毋過想著伊較早做的^{tsi}課定定著愛阮替伊拭(tshit)尻川, 恰飼狗的麻煩, 阮就毋敢答應。所以阮囡嘛死

心--矣! 若毋是這擺的賊仔, 阮兜是無可能會飼狗--的。

第一擺看著這隻狗, 阮是真恰意, 因為伊實在有夠嬌; 毛——膨膨膨, 身軀——圓圓圓, 大部分毛跋是白色的, 毛尾仔有插(tshap)烏色, 尻脊駢的毛烏殍(phú)金烏殍金, 除了有一條烏殍色的線框(khing)--過以外, 腹肚是全殍白--的, 膨獅獅的尾溜真大葩(pha), 伊不時共尾溜翹懸懸, 有一種高貴大方的範勢(pān-sè)。四肢跋若大柱, 講著伊的面, 喙賴(phué)是白色--的, 對目調跋周圍以上攏是殍烏色殍烏色的框, 看--起來親像掛目鏡, 真有智慧的款。目調面頂有一个白點, 看起來真歹。伊恰本土狗上無仝款的所在是: 伊的目調仁是淺藍色--的, 真罕見! 阮一入門, 伊就跔(peh)起來阮身軀共阮司奶(sai-nai), 看著伊彼種無辜閣嬌的面, 阮就想欲共好好仔惜惜咧!

因為看伊生做遮嬌, 阮就用英語 belle 美女的意思, 共號名, 叫伊『bé-lih』。